



SULEQATIGIISITSISUT
SAMARBEJDSPARTIET
UKA2019/39
Tillie Martinussen

30. september 2019

Aningaasanut inatsimmi konto pingaarneq 64.01.05 naapertorlugu inuussutissarsiutitigut nunaqarfinnut isorliunerusunullu siuarsaanermik tapiissutinik suliassap ulloq 1. januar 2020 aallarnerfigalugu Namminersorlutik Oqartussanit kommuninut nuunneqarnissaanik, apeqqutillu tassunga attuumassuteqartup 2019-p ingerlanerani kommuninik ataatsimoortumik tapiissutinik isumaqatiginninniarnermut ilanngunneqarnissaanik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut.

(Inatsisartunut ilaasorta, Aqqaluaq B. Egede. Inuit Ataqtigiit)

Suliffissanik pilersitsiniarluni angunikagut huraarutissaanngitsut Inatsisartunut ilaasorta isumaqatigaarput. Aamma kommunit ullumikkut kommuniusut aningaasanik pingaarnersuereernerat pillugu Naalakkersuisut isumaqatigigaagut.

Siunnersuuteqartup kissaatigaísai ilaatigut akuersaarniarlugit allarluinnarmik siunnersuuteqariarta: kontomi tassani aningaasat politikerinit atorneqannginnissaat qulakkiissallugu pitsaasuunngila? Allatut iliuuserineqarsinnaasoq tassaasinnaavoq pisortat aningaasaataat atorlugit aningaasaateqarfimmik pilersitsineq, tassani inuussutissarsiornermut attuumassuteqartut politikikkut attuumassuteqanngitsut suliffeqarfiit aallartinnissaannut tapersernissaannullu aningaasanik agguasassallutik?

Taamaattumi ttapiissutit pingasunut agguarnissaat toqqarneqarsinnaavoq:

- Inuiaqtigiit aningaasaqarneranni suliffeqarfiit iluanaaruteqartariaqanngitsut, najunnali innuuttaasunut siunertaqartut.
- Suliffeqarfiit aningaasatigut imminut akilersinnaasutut nalilerneqartut siunissaqartullu aallartinnissamili ikiorneqarnissamik pisariaqartitsisut.
- Suliffeqarfiit ajutooriataarsinnaasut, kisiannili imminut akilersinnaalersinnaanerannik nutaanillu isertitaqalersinnaaneriniq misissuinissamik pisariaqartitsiviusut.

Kontomi taamaattumi taamatullu agguarneqrerani imaluunniit aningaasaateqarfimmi imaluunniit qanoq aaqjissuunneqarnissaanik kissaatigineartumi iluaqut tassaavoq politikikkut aqunneqannginnera taamaammallu politikikkut, piffissaanngitsukkut akuliuffigineqartussaangitsoq.

Taava suliaraqfigut taamaattut politikikkut aqunneqartut unammillerneqassapput. Ukiut arlallit qaangiunneranni sanilliussisoqarsinnaavoq nalilersuisoqarlunilu.

Siunnersuuteqartup eqqarsaataa iluarinarpoq, siunnersuummilu tunngavilersuutit atorneqartut eqqorluinnarput.

Tamanna eqqarsaatigalugu Aningaasanut inatsisissatut siunnersuumi suliffeqarnermullu ataatsimiititaliami eqqarsaatit ilanngunneqartussaangorlugit taamatut nutaanik ilanngussaqlarluni siunnersuut una ataatsimiititaliamut suliamut attuumassuteqartumut innersuunneqarpoq.